

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（177）



國家圖書館出版社

中國地方志佛道教文獻匯纂·寺觀卷

安徽省 黃山市

黃山領要錄

清·汪洪度纂輯

清乾隆間刻《知不足齋叢書》本

祥符寺

祥符寺創自唐開元十八年志滿禪師今蓮華菴其故處也大中五年刺史李敬方感白龍見始移建於湯泉之西天祐二年刺史陶雅重建改號湯院南唐保大二年改爲靈泉院宋大中祥符元年敕爲寺因稱祥符而人稱湯寺者以寺近湯泉也寺制古朴軒敞廊周室密壁有詩二首紫翠林中便赤腳白龍潭上看青山藥爐丹井知何處三十六峯煙月寒又何年白日騎鸞鶴踏

碎天都峯上雲欲起軒轅問九鼎道衣重侍玉虛君署
曰南宮謫吏兼雲谷樵夫題書法奇偉奔放蓋明羅文
恭洪先筆也舊在寺門康熙初全堵移嵌樓下左側有
軒而紫石峯馮祭酒夢禎題曰紫玉後有樓天都紫石
青鸞諸峯冷光潏潏倒入牕櫺侵人毛骨上祀軒轅帝
浮丘容成二公吳祭酒苑題曰仙源寺前後皆峭壁絕
巘從東南入山者至此見石漸多土漸少溪水來自湯
嶺穿亂石以行聲無斷續至白龍以下則石愈大也屋
若輪若焉水愈怒也潏潏雲洩若焉聲愈宏也潭淺鼓

鐘若潭深攔礫若焉寺門外古樹脩篁葉交岸合仰不見日俯見日影風水相激影無定時人對面幾不見近語幾不聞寺之右山半有洞焉飛泉挂其上風吹泉動激紋裊裊若湘水簾曰水簾洞人坐洞中視泉心目開朗夕陽在山餘輝倒射紫綠俄忽洞外復有小洞二受夕照尤多曰餐霞洞洞左有石類馬蹄曰馬蹄石旁有石方而長天然碑也曰軒轅碑洞右舊有丁公菴今廢已久寺多啼禽聲若歌若荅節奏疾徐曰山樂鳥下山則無有見元汪文節澤民記中按山樂鳥種類非一余

與皮蓬雪公審定聲尤清越者三其一較鸛鵒差大每
集必數十毛淺赤黃色飛鳴而露其翼羽則腋下碎錦
歷歷碌碌然如伶工舞時而見其褻衣之文繡也遊人
將至必先期集而鸛鳴者將闕忽若作人語曰客到客
到蓋鼓樂而相導焉其一微似百舌亦數十爲羣其聲
屬連乍聽如彈弦索已作裂帛聲時而大聲轟轟若車
輪過市時而小聲嫋嫋如洞簫之餘音未絕也其一質
小而輕便飛不過尋丈聲如鈴鐸之最細者多至數百
散依叢薄閒瑣屑正耐清聽已忽飄颻隨風四散而去

黃山真武殿上

人知不足齋叢書

朱砂泉

泉之溫率硫之華也天下泉之不藉硫而溫者有三驪山以礬石安寧以碧玉黃山以朱砂朱砂泉在香泉溪上石池天成長丈許廣半之深不踰三尺瑩澈見底旁有欹石碧色可枕上蒸氣如甌下布細砂砂中沸泡噴湧鱗眼魚眼以次而升旋復成珠迸散而四射沸處砂熱不可搗魚鰕誤入輒斃而水中苔蘚終古不變蒼翠春時色微紅夏秋水過灼則石罅別出寒泉瀉之溫涼適劑至冬而別派竭水加灼焉左畔小石竅水無時涸

竅流借穢濁以出駛疾靡停終日人浴而垢不積舊有
片石覆池之半爲天生泉穴不知何年鑿石鑿亭如橋
孔遊者惋惜至今大歷中刺史薛邕就立廬舍設盆杆
以病入浴者多愈後至大中刺史李敬方以風疾比歲
凡再入浴感白龍見而疾瘳元符三年正月休寧太平
民三人來浴凌晨水變赤色地勢傾動波沸湧聲如雷
馳以告寺之人曰是朱砂見也山下民聞者爭來汲飲
成化中泉赤三日人無知者一僧浴之壽踰百歲萬歷
乙卯朱砂見徧溪皆赤香聞數里天啟中余書升浴湯

泉見鼠長尺餘純赤色從地躍出曰朱砂鼠志稱山有
湯泉二此爲上池溪流數十步爲下池下池又分爲二
小者稍隘大者廣倍之而無覆石沙漲水淺小石齒齒
如榱子山僧屢圖疏鑿以待行旅別鑄此以供佳客云
池上懸崖千尺竹樹邃密周設帷幄苔厚如茵巖花點
繡石壁鑲元鄭玉先生題名池對岸有石先生嘗垂釣
其上人稱鄭公釣石

蓮華菴

坐郡城樓西北望一山巘嶸主賓輔佐歷歷霄漢閒入
山漸深而漸隱也則峯高而嶂合也必地近面對勢幾
相竝斯得復覽其全其蓮華菴乎菴故湯院址院後移
湯泉之西址存山中山純石而偏仄且儉於水此獨多
土寬廣數畝桃花洞遶其下邑人鮑元則買地建菴左
隙爲淨林居後爲華嚴閣居北面南明袁黃以對蓮華
峯因以名菴菴對非直蓮華也遊人宿菴中晨起請峯
從霧露中盥沐出天都正中儼天帝垂旒負展而立青

鸞峙峯左僅見華鬢朱砂紫石承之若張翼而矚其尾
蓮華峙峯右若菡萏未舒桃花雙藥外護之玉屏正當
缺處爲之嶂師子仙橋在煙雲杳靄間爲之郭蓋菴猶
鏡也諸峯盡涵鏡中若麗人顧影自媚爾菴舊有天然
器三一體牀昂首出目四足據地爪甲奮張如疾奔狀
餘枝四札可趺坐一人旁倚四人一簾架雕紋藻績屈
鐵交錯中規合萬截業宛然可植以懸鐘鼓一憑几狀
類波斯胡頭角爲崑然首戴石立前方簋左蓮華右蓮
藥可以分置諸供觀者初不知皆古樹根也摩挲久之

僧乃言此檀也此辛夷也此荆也菴有鐘勒建文四年
月日造字成祖革除建文金石碑版悉易洪武鐘歷三
百年獨存隄山實深焉曷造此

仙橋

潘之恆云方士申清虛言曾到仙橋以帛組而登萬歷
丙午僧大用結龕鍊丹臺前嘗夜經行橋上乙卯夏僧
佛乘尋山歸詫我以仙橋言利邨上下若飛鳥翔空四
顧峰巒皆播弄飛走可叱而鞭云方拱乾云下光明頂
漸與天都蓮華別越一嶺疑已山下雖山下猶在萬仞
芙蓉頂行溪磴二里許磴盡爲別峰庵別峰不受天都
蓮華隸左右諸劍峰戟立從此覓路向天橋至師子峰

已無路命僕夫持鑿秉鋤先之攀援而上以手代足過
師子峰四石居再下一穴復上一穴可五六里許皆蛇
行猿躍備諸艱狀穴第一石名清涼臺登之見天都蓮
華撲人眉宇於是瞰天橋如長虹亘千巖上矣楊補云
橋長亘天環如鼉肋寒脊不勝一鳥三石合成中斷嵌
以尖石脗合無痕以湊泊耳倚爲力不致傾墜橋側臨
萬丈淵余按黃山仙橋昔人多疑爲幻境在有無閒至
潘山史始以爲可登方楊親至其側則又似僅可望志
云坐鳴絃澗上望橋如在天際又云百步雲梯前亦望

見之又云從鍊丹臺直望橋孔有五乍隱乍現若無定
所又云有采山人宿橋下月夜聞橋上笙歌聲天明覓
橋不見然則橋卽非幻要豈載朽腐軀所得常往來者
耶仙橋柏在仙橋缸根去杪不踰尺葉密如菌樹杪可
經行可趺坐可藉眠

老人峰

慈光寺望諸峰列峙天都左右若爲之夾輔者老人峰
巋然獨拱而居賓師之位出寺左折上行深巖古木中
巖窮澗接奇花異草芬馥叢生遊人坐石聽泉不知身

在山中也里餘有石指三四形如佛手曰佛掌巖又里許左峭壁閒懸崖天半若墉若垣有門有堂樓閣殿楹宛在中央曰空相寺爲石壁見影可望不可登又三里許曰觀音崖崖下可坐數十人一壁巉出崖左一壁中赤光晃耀曰朱砂洞其壁上穴下吐望之若墜或曰五百歲洞闢砂出遇之者仙矣過巖疎林廣石可眺可行里許至采藥源源中崖曰綠萼坡曰龍蟠谷曰香谷五六里蒼林綠石輻輳成徑遊人之身幾化凍碧正晦塞甚忽有豁處則老人峯矣峯立石如畫儂陟其冢舒目